



Broj: 07-45-3090-2/24
Sarajevo, 06.09.2024. god.

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", broj: 31/16), člana 18. stav (1) i člana 25. Zakona o javnim nabavkama („Službeni glasnik BiH“ br. 39/14, 59/22 i 50/24), Plana javnih nabavki Zavoda za planiranje razvoja Kantona Sarajevo za 2024. godinu, broj: 07-45-344/24 od 25.01.2024. godine, te Odluke o prvoj izmjeni i dopuni Plana nabavki Zavoda za planiranje razvoja Kantona Sarajevo za 2024. godinu, broj: 07-45-344-7/24 od 18.03.2024. godine, a u vezi sa Zahtjevom za pokretanje postupka javne nabavke, broj: 07-45-3090-1/24 od 23.08.2024. godine, direktor Zavoda za planiranje razvoja Kantona Sarajevo, donosi

O D L U K U

o pokretanju postupka javne nabavke usluge:

Novelacija studije „Stabilnost terena Kantona Sarajevo“ I faza, za potrebe izrade Prostornog plana Kantona Sarajevo putem otvorenog postupka provođenjem e-Aukcije

Član 1.

Odobrava se, shodno članu 18. stav (1) i članu 25. Zakona o javnim nabavkama, pokretanje postupka javne nabavke usluge: Novelacija studije „Stabilnost terena Kantona Sarajevo“ I faza, za potrebe izrade Prostornog plana Kantona Sarajevo, putem otvorenog postupka.

- CPV kod: 71250000-5 Arhitektonske, tehničke i geodetske usluge
- Ekonomski kod 613900 SAK 010 funkcija 049f Prostorni plan Kantona Sarajevo, u Budžetu Zavoda za planiranje razvoja Kantona Sarajevo za 2024. godinu.
- Ukupna procijenjena vrijednost javne nabavke bez PDV-a (17%) cca 83.000,00 KM.
- Predmet nabavke nije djeljiv na lotove.

Član 2.

Javnu nabavku usluge iz člana 1. ove Odluke i izbor najpovoljnijeg ponuđača izvršit će Komisija za javne nabavke, na osnovu najniže cijene tehnički zadovoljavajuće ponude u skladu sa članom 64. stav (1), tačka b) Zakona o javnim nabavkama („Službeni glasnik Bosne i Hercegovine“ br. 39/14, 59/22 i 50/24). Predviđena je e-Aukcija.

Član 3.

Za provođenje ove Odluke zadužuje se Komisija za javne nabavke.

Član 4.

Ova Odluka stupa na snagu danom donošenja.

Obrazloženje

U postupku rješavanja Zahtjeva za pokretanje postupka nabavke usluge: Novelacija studije „Stabilnost terena Kantona Sarajevo“ I faza, broj: 07-45-3090-1/24 od 23.08.2024. godine, utvrđeno je da je isti osnovan i da sadrži sve potrebne elemente za odlučivanje.

Pri donošenju ove odluke, direktor Zavoda se posebno rukovodio činjenicom da je nabavka neophodna, te da su ispunjeni svi uslovi za pokretanje iste.

Predmetna nabavka je sastavni dio Plana nabavki za 2024. godinu (tačka 2.22 Plana nabavki), te se odnosi na nabavku usluge Novelacija studije „Stabilnost terena Kantona Sarajevo“ I faza za potrebe izrade Prostornog plana Kantona Sarajevo. Novelacija studije se radi za potrebe izrade Prostornog plana Kantona Sarajevo 2024-2044, Urbanističkih i Regulacionih planova u Kantonu Sarajevo.

Za potrebe izrade Prostornog plana grada Sarajeva za period od 1986. do 2000. odnosno 2015. godine, izrađena je Studija geoloških, inženjerskogeoloških i seizmoloških istraživanja teritorija grada Sarajeva, koja je dala detaljne podatke o inženjerskogeološkim karakteristikama terena na datom prostoru.

Za potrebe izrade Prostornog plana Kantona Sarajevo za period 2003-2023 izrađena je Studija stabilnosti terena Kantona Sarajevo.

Ove studije se stavljaju na uvid i raspolaganje kao polazni materijal za izradu novelacije Studije stabilnosti terena Kantona Sarajevo.

U posljednjih dvadeset godina desile su se brojne promjene u oblasti savremenih inženjersko-geoloških procesa koje su rezultirale pojavom novih klizišta i nestabilnost terena, naročito na padinskim djelovima grada koja su bila izložena bespravnoj izgradnji objekata.

Područje Kantona Sarajevo je brdsko-planinskog karaktera što stvara prirodne uslove za pojavu klizišta, ali je najčešći faktor za pojavu klizišta neplanska i neadekvatna gradnja objekata.

Izradom ove Studije nadležne službe u Kantonu i općinama bi dobile ažurnu kartu i bazu podataka o stanju zemljišta, pogodnosti za gradnju, zonama na kojima bi se zabranila svaka neplanska gradnja, zone stabilnosti terena, nagibe terena, seizmičnost terena, geotehničke uslove građenja i legalizacije neplanske gradnje objekata, itd.

Komisija za javne nabavke formirat će se od zaposlenika Zavoda za planiranje razvoja Kantona Sarajevo odgovarajuće struke, a ista će, shodno Zakonu o javnim nabavkama i podzakonskim aktima, učestvovati u pripremi tenderske dokumentacije, te izvršiti ocjenu ponuda i izbor najpovoljnijeg ponuđača.

Iz navedenih razloga donosi se odluka kao u dispozitivu.

Fai

Prilog:

- Zahtjev za pokretanje nabavke br.: 07-45-3090-1/24 od 23.08.2024. godine

Dostavljeno:

- Služba za javne nabavke,
- Služba za pravne i računovodstvene poslove,
- Arhiva.

